



1588.
1588.
1588.
1588.
1588.
1588.

GV
MARTINUS
1588



✓⁰⁵
2. Bde.

alt Nr. 127
ni 172

Sturmius, J.
quarta Antipappi etc.
4 portus in 2 vol.

nebst 17 anderen Schriften.

K. IV. 42.



5

Ein Sendbrieff.

D. Jacobi Andree / an M. Matthiæ
am Flaccium Illyricum /

Von der Erbsünde.

In wölcher der ganz Handel einfaltig / klar vnd
deutlich / auch für den gemeinen Layen erkläret / vnd ein kurzer richtiger weg
angezeigt / wie ohne nachtheil der Göttlichen warheit
diser laidig Streit möge auffge-
haben werden.



Getruckt zu Tübingen / durch Georg
Gruppenbach. 1 5 7 4.

Handwritten text, likely a title or heading, appearing as a faint watermark or bleed-through from the reverse side of the page.

Handwritten text, likely a title or heading, appearing as a faint watermark or bleed-through from the reverse side of the page.

Handwritten text, likely a title or heading, appearing as a faint watermark or bleed-through from the reverse side of the page.

Handwritten text, likely a title or heading, appearing as a faint watermark or bleed-through from the reverse side of the page.



Handwritten text, likely a title or heading, appearing as a faint watermark or bleed-through from the reverse side of the page.



Den Wolgeborenen /

Edlen / Gestrengen / Ehrnuesten / Er-
barn vnd Weisen / Herrn / Herrn / Brauen / Frey-
herren / Herren / denen vom Adel / vnd Burger-
schafft / auch allen Gottseligen Christen / Hochs
vnd Niederstands / in den Landen vnd
Fürstenthumben Oesterreich /
Steyr / Grain / Kärn-
ten /c.

Gnad vnd Frid in Christo /



Wolgeborene / Edle / Gestrenge /

Ehrnueste / Erbarn / vnd Weise / gnädige / vnd gün-
stige Herren / Nachdem kurzuerlicher zeit / E. G.
Herrlichkeit vnd Gunsten / vnd also auch derselben zu-
gethonen vñ angehörigen Kirchen / ich herzlich gratu-
liert / vnd mich zum höchsten erfreuet / das durch E.
G. Herrlichkeit vnd Gunsten Gottseligkeit / vnd vor-
sichtigkeit / ein beschwärlliche vnd ärgerliche Zwispalt
fürkommen / so sich vber der Disputation von der Erbsünde anspinnen wollen /
mitler zeit aber nicht ohne gross betrübnuß berichtet worden / wöcher gestalt die
verhoffte einigkeit widerumb zerstöret / vnd da nicht mit zeitigem Rhat / di-
sem vnheil begegnet / grössere trennung zugewarten : Hab ich auß herz-
licher Christlicher liebe / so ich zu ewern Kirchen ve vnd allwegen getragen /
nicht vnderlassen können / E. G. vnd Gunsten / nochmals / mit einem kurzen
schreiben / der grossen gfarz zu berichten / so die besorgte leidige Zwispalt auß ihr
tragen möchte.

Darzu mich denn auch mehr bewegt / weil zum theil etteliche Gratten vnd
Herren auß Ewern Mittel / von vnser Schul Kirchendiener begert / die in
Gottes Wort / wol gegründet / darzu fridlich vnd still / aber weil dieselbige
jung / darmit sie nicht ettwā in ein ergerlichen Streit mit ihrem Gegentheil /
sich einlassen möchten / Hab nicht allein ich / sonder auch andere Hochuersten-
dige für ein hohe notturfft geachtet / ermelten Ewern newgepflanzten Kir-
chen

Vorred.

men zu guttem / ihnen / als vnsern Discipeln / mit einer gebürlichen verwar-
nung anleitung zugeben / wie sie sich vnuerweißlich zuuerhalten / vnd all ihre
Predigen / auch besondere freüntliche Gespräch / gegen mániglich / anzustellen /
Darmit die geringste Ursach zur vnrhu / zwenracht / vnd weiterung nicht
gegeben / sonder / sonil immer móglich / durch Gottes Gnade / dieselbige gánz-
lich abgeschnitten vnd verháitet werden möchten.

Dann ob wol dise Zwispalt anfangs also geschaffen / das auch die / so in
Gottes Wort ein guten verstand haben / nicht gleich sehen könden / wa der fehl
vnd mangel / vñ der vrsch auch die jenigen nicht so beschwárlich zuuerdencken /
so gem Gegentheil / auff derselben scheinbar fürgeben / zugefallen / in betrach-
tung / das man des Menschen verderbte Natur / so tieff vor den Menschen
nicht schelten noch hinlegen könde / es sey vor Gott noch vil ärger / Vnd da
also auß dem Menschen nichts denn lautter Sünde gemacht / die Gnade /
Barmhertzigkeit / Gerechtigkeit / vnd der überschwenglich verdienst Christi
aller erst / der gebür nach / erhebt / vñ sollicher gestalt / der sachen auff keiner ley
weise noch weg zuuil gethon werden möge / Dargegen aber / da man noch ette
was guts im Menschen halte vnd erkenne / (wie solliche Leut fürgeben / als
solt man in vnsern Kirchenlehren / das nicht alles an des Menschen Natur
vnd Wesen verderbet / das doch nicht ist) der ehz Christi vnd seines ver-
diensts abgebrochen / Wölschs warlich ein groß ansehē / auch bey verstendigen
Leutten / hat / vnd da die Augen nicht recht auffgetho / nman bald hinder das
Licht geführet werden kan.

Jedoch ist endlich die Sach / durch Gottes Gnade / vnd getrewer Leh-
rer zuthon / der massen an tag gegeben / das sollichen Leutten / so dise vnrhu
angestiffet / die Laruen abgezogen / vñ ihr irrige Meinung also an das Licht
gebracht worden / das sie sich hinfüro / vor fromen herzen / nicht weiter wer-
den schmucken könden.

Dann das sie immer fürgeben / man hab ihnen den Statum oder Zweck /
der ganzen Disputation verrucket / vnd ein andern auffgetrungen / den sie
nicht halten / befindet sich auß ihrer selbst eigner Bekandnuß / das widerspil /
wann mit ernst in sie betrungen worden.

Zumassen die Ehreweisen Herren Camerer vnd Rath der Statt Re-
genspurg / iren geurlaubte Predigern / auß einem gestalten Extract ein kurze /
runde / vnuerblümbte Frage fürgehalten / darauff sie / ohn allen vmbschwaiß /
fein richtig / mit Ja oder Nein / antworten sollen . Namlich / weil der
Mensch / nach dem fahl / mit der Erbsünde / als mit einem geistlichen Nussay /
Durchtrungen / das weder an Leib noch Seel / noch allen desselben Kráfften /
nichts reines / heiligs / noch unbefleckts gebliben / sonder alles zumal mit der
Sünde / als mit einem vnflat / den der Teuffel an den Menschen geschmaitet /
wie D. Luther redet / besudelt vnd verderbet / Also das auch solliche Sünde /
so lang wir auß Erden leben / nicht kan durch vns hingelegt / sonder allein
durch den Tod muß hinweg genommen werden . Ist die Frag: Ob Medi-
tando / oder Cogitando / das ist / mit Gedancken oder Betrachtung / zwischen
der widerwertigen Natur / des von Natur jetzt durch die Sünde / getöbten
Menschen /

Frage / darmit dise
irrige Geister an
das Licht ge-
bracht werden.

Vorred.

Menschen / vñnd zwischen der Erbsünde / ein vñderscheid zumachen sey / oder nicht?

Dardurch denn der Status / oder der Zweck keins wegs verrückt / wie auch mit niemant hiermit weder von dem Wort / Substanz / noch Accidens / disputiert / sonder ein rund Ja / oder Nein / von der Hauptsach gefordert / Ob namlich ein Mensch / auch mit Gedancken / des Menschen verderbte Natur / vñnd die Erbsünde / von einander scheiden künde / oder nicht?

Sagen sie Ja / so bekennen sie / daß ein anders ding seie des Menschen Natur / vñnd ein anders ding / die Erbsünde / wölche ist ein verderbung in der Natur / vñnd da solliche rund von ihnen geschehen / befindet sich / daß sie ohn vrsach gezancket / vñnd ligt alsdann ihr Irrthumb zuboden / da sie fürgeben / es sey / ohn alles vñderscheiden / die Natur des Menschen die Erbsünde selbst. Sagen sie denn / Nein / namlich / das man auch kein vñderscheid zwischen der Natur des verderbten Menschen / vñnd der Erbsünde gedäncken künde / denn des Menschen Natur sey / ohn allen vñderscheid / die Erbsünde selbst / vñnd die Erbsünde / sey des Menschen Natur selbst / vñnd nicht ettwas in der Natur / so ist ihr kezerische / Manicheische verdampfte Lehr offenbar / die alle fromme Herzen / meiden / fliehen / verdammen / vñnd die Herrschafften keins wegs gesvñlden noch leiden sollen.

Dann vom Teuffel kompt die Erbsünde / des Werck sie ist. Vñnd da nun an dem Menschen / nach dem Fahl / nichts mehr ist / das von der Erbsünde möge auch mit Gedancken vñderscheiden werden / so müste auß noth volgen / daß alle Menschen / nach dem Fahl / weil sie nichts deñ die Erbsünde weren / ihren fürgeben nach / auch der vrsachen nicht mehr Gottes Werck / sonder des Teuffels Werck weren / wölchs ein vnleidenliche Gotteslösterung ist / wider die Maiestet des Allmächtigen Schöpffers / der vñs auch / nach dem Fahl / noch für sein Geschöff helt / vñnd für vnser Natur / als sein Geschöff gestorben ist / nicht / daß er die Erbsünde / sonder vnser Natur / von der Erbsünde / vñnd allen Sünden / erlösete / vngeachtet / Daß vnser Natur mit der Erbsünde befleckt ist / wölche Erbsünde nicht ist die Natur des Menschen / sonder ein jämmerliche verderbung der selben / Die auch nicht für sich selbst sein künde / wann sie nicht in der Natur vñnd Geschöff Gottes were.

Vñnd weil diß so ein offenbare Sach / die auch ein Kind vñmb siben jar / mercken künde / hab ich in nächstuer schiner Franckfurter Herbstmess ein kurzen Sendbrieff an Illlyricum / als dises verdampften Irrthumbs / vñ der dar auß erwegten leidigen Ergernuß / anstifter / geschriben / vñnd auff das aller freündelichst gebetten / daß er der Kirchen Gottes verschonen / vñnd dieselbige mit diser seiner irrigen Meinung nicht weiter betrieben wölle. Der hoffnung / er solt sich bessers bedencken / inmassen denn vil andere geleerte Männer auch verhoffet / weil ihme der Friede in die Hand gegeben / er solt sich haben weisen lassen.

Nach dem es aber nichts bey ihme verfangen / sonder auff seinem vornehmen hartnäckig verharret / darzu sich vñderstanden / die Wirtembergische Kirchenordnung / Confession vñnd Apologi / auff sein verdampften Irrthumb

Vorred.

zufiehen/wie auch D. Luthers/Petri Lombardi/vnd anderer mehr/lebendig vnd todten/die doch alle zumal sein Irrthumb offenbarlich verdammen/in massen ihm arßfärlich durch ein Lateinische Schrift noch weiter geantwortet werden soll:

Haben mich gutherzige Leut gebetten/das ermelten Lateinischen Sendbrieff ich selbst verteutschen/vnd/vmb deren willen/so die Lateinischen Sprach nicht verstehn/gleichwol durch dise Leher irre gemacht worden/in Truck verfertigen wölte/weil in demselben der ganze Handel/auffs allerfürst zusammen gezogen/vnd so einfeltig erkläret/das meniglich den Grund der Göttlichen Wahrheit darin greiffen möchte/Denen ich solliches nicht versagen künden/vnd demnach mich sollicher Arbeit vnderfangen/der guten hoffnung vnd zuuersicht/es solle vermittelst Göttlicher Gnaden/sollichen laidigen Ergernuß hierdurch etwas gestewet werden.

Wölche E. G. H. vñ Gunsten/ich der vrsach zugeschriben/auff das dieselbige vrsach hetten/gebürend einsehens zuhaben/gegen denjenigen/so dises Irrthumbs halben/an andern orten geurlaubet/vnd sich/vnder disem Schein/vnderstehn/ben ewern zarten Kirchen einzuflicken/die doch ein solliche offenbare/verdampfte Lehr führen/das sie kein Patriarchen/kein Propheten/kein Apostel/kein Martyrer/kein alten noch newen Kirchenlehrer/nennen künden/inmassen ich dem Illyrico zu Strassburg/in gehaltenem Colloquio/vnder augen gesagt/der jemals ihrer meinung gewesen/noch in der selben/innen einichen beyfahl gethon hette.

Dann was sie hin vnd wider für erbettelte Zeugnuß der verstorbenen/Calten vnd newen Kirchenlehrer) besonders aber/D. Luthers anziehen/ist anders nichts/dan grobe/greifliche/mutwillige verkerung/irrer der verstorbenen Lehrer wort/Wölche E. G. H. vnd Gunsten/neben nachforschung in der selben Schrifften/auch darben abzunemen/das sie auch deren/so ihnen widersprechen/vnd noch in leben seind/wort auff ihr irrige meinung ziehen/wie auch mich selbst Illyricus mit gewalt vberreden will/das ich seiner verdampften meinung sehe/die ich doch/alle tag meines lebens/nicht geglaubt/glaube sie auch noch nicht/vnd/durch Gottes Guad/in ewigkeit nimmermehr glauben will. Das sie nun den lebendigen wider ihren willen/ihre wort vnd reden/verkeren/vnd anderst deuten/denn sie gemeinet/was solten sie nicht den verstorbenen thon/die sich mündelich nicht mehr versprechen könden?

Dieweil es dann mit disem verdampften Irrthumb/von der Erbsünde/gehörter massen/vnd nicht anderst geschaffen/ist an E. G. H. vnd Gunsten/mein vnderthenig fleissig bitt/lautter vmb Gottes/vnd seiner betrübtten Kirchen willen/ihre wöllend/so lieb euch die Lehr des Allmächtigen Schöpfers vnser menschlichen Natur/(wölche auch nach dem Fahl/sein geschöpffe/vnd nicht die Erbsünde selbst/sonder allein von der Erbsünde (die allein des Teuffels werck) verderbt/vergiftet vnd verunreiniget ist/so lieb euch die reine vnuerfälschte Wahrheit Gottes Worts/sein heilige Kirchen/auch ewer selbst vnd derselben zugehörigen/ewig Heil vnd Seligkeit angelegen ist/sonit an euch/nicht zugeben/das dise verdampfte Lehr/mewere Kirchen eingeführet/

Vorred.

führet / dar durch / beneben Verletzung der ehr Gottes / nichts dann vnein vnd
ergerlich hochschädlich Gezänck angestiftet / auch schädliche verbitterung der
Gemütter / vnd allerley vnr hat noch weiter dar auf eruolgen / sonder gänzs
lich verhütet / vnd / vermittelst Göttlichen Gnaden / wolgedachte ewere reine
Kirchen / in guttem beständigem Friden / Nbu vñ Gottgefälliger einigkeit ers
halten werden mögen.

Daran werden L. G. Herrlichkeit vnd Gunsten / dem Allmächtigen
Gott vnd Vatter vnser Herrn Ihesu Christi / ein besonders angenehmen wols
gefälligen Gottesdienst erzeigen / den sein Göttliche Maiestat / mit allen
Gnaden vergelten / vnd die Kirche / in ihrem Gebett / gegen Gott / für L. G.
Herrlichkeit vnd Gunsten / zeitliche vnd ewige wolsart / nimmermehr verges
sen würdt.

Der selbig Allmächtig Gott / vnd Vatter vnser Herrn Ihesu Christi /
verleihe die Gnade seins heiligen Geists / darmit seiner armen Kirchen diser
vnd andern beschwerlichen ergerlichen Zwispalten abgeholfen / vnd wir also
in einigkeit des rechten warhafftigen Christlichen Glaubens / als auß einem
Mund / ihne loben / vnd seiner seligen zukunfft / die sich / verhoffens
lich / nicht lang mehr verziehen würdt / mit allen
freuden erwarten /
Amen.

L. G. N. vnd Gunsten

Vndertheniger
williger

Jacobus Andree D.
Probst zu Tübingen.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Epistola ad Illyricum
vertentscht.

Ein Sendbrieff

D. Jacobi Andree / an M. Matthi
am Flaccium Illyricum /

Von der Erbsünde.

In wölcher der gantz Handel einfaltig / klar
vnd deutlich / auch für den gemeinen Layen erkläret /
vnd ein kurtzer richtiger weg angezeigt / wie
ohne nachtheil der Göttlichen war-
heit diser laidig Streit mög-
ge auffgehoben wer-
den.



Getruckt zu Tübingen / durch Georg
Gruppenbach, 1574.

Epistola ad Illustrium

Virorum

Epistola ad Illustrium

Virorum

Epistola ad Illustrium

Virorum

Epistola ad Illustrium

Virorum

Epistola ad Illustrium

Virorum

Epistola ad Illustrium

Virorum

Epistola ad Illustrium

Virorum

Epistola ad Illustrium

Epistola ad Illustrium

Virorum



Jacobus Andree D.

wünschet M. Matthie Flaccio
Illyrico / Gnad vnd Frid in
Christo Jesu.



Ich hab / lieber Illyrice / dein
Schriftt gelesen / des Tittel ist:
Dreifache einigkeit in der Christa-
lichen Lehr / mit D. Jacob Andree /
vñ den Kirchendienern zu Straß-
burg / Anno 16. 71. eingegangen.

Als ich nun dieselben mit fleiß
durchlesen / hab ich nicht vnderlassen künden / sons-
der / zur befürderung Christlichen frides vnd einig-
keit / in vnsern Kirchen / dir / durch ein kurtze offent-
liche Schrift / antworten sollen.

Dann weil du mit mir begerest einig zusein / den
du also kennest / daß er (ohne rhüm zumelden) die
Göttlich warheit liebet / vñnd / nach seinem eusser-
sten vermögen / nach Gottseligem vnd Gott gefäl-
ligem friden trachtet / will ich dir die wenigst vrsach
zur vneinigkeit nicht geben / wann du dich allein
gleicher gestalt der warheit befließigen / vñnd mit
der recheglaubigen allgemeinen Christlichen Kir-
chen begerest einhellig zuhalten.

Die frag ist zwischen dir vñnd deinem Gegen-
theil / was / eigentlich zureden / die Erbsünde seiez
Hierauff antwortest du / Es seie des Menschen hertz
A ij selbst /

Sendbrieff D. Jacobi Andree/an

selbst/ als der schatz aller bößheit/ Item es seie die höchste vnd beste krafft des Menschen/ wölche als ein König vnd Hauptursach alles böses in dem gantzen Menschen regiere/ein ursach vnd brunuell aller würcklichen Sünden.

Dargegen sage ich/sampt andern/so dir in diesem Artickel widersprechen/ die Erbsünde sey nicht das hertz des Menschen selbst / da man eigentlich vnd vnderchiedlich reden will / sonder es sey etwas in des Menschen hertzen / vnd das nicht allein in der höchsten vnd besten / sonder auch in der allgeringsten krafft des Menschen/das ist/die Erbsünde sey ein vnaußsprechlicher schade / wölcher den gantzen Menschen / sein Leib vnd Seel / vnd alle derselben krefftten eingenommen / durchtrungen/ vnd so jämmerlich verstellte hat / das/wie er anfangs zum Ebenbild Gottes/ als ein herliche Creatur erschaffen/setzt / nach dem fahl/ von wegen der Erbsünde/des laidigen Satans bild tregt / vnd umb derselben willen allein/wann gleich kein würckliche Sünde hernach volget / ein gewel vor dem angesicht Gottes / vnd ein Kind des Teüffels worden ist.

So ist nun weiter die frage / Ob zwischen dir vnd mir ein warhafftige einigkeit in der Lehr von der Erbsünde seie / oder gemacht werden köndes von wölcher du rühmest / das sie zwischen dir vnd mir zu Straßburg getroffen sein solle.

Hierauff will ich dir ein feine runde Antwort geben / die meniglich mercken vnd verstehn soll. Wann du glaubest vnd heltest/ vnd halst starrig dar
auff

M. Matthiam Glaccium Illyricum. 2

auff beharrest/das des Menschen Hertz/ohn allen
vnderscheid/für sich selbst/ die Erbsünde seie / also/
das zwischen dem wesen des Hertzen/vnd der Erbsünde /
so im Hertzen ist / gantz vnd gar kein vnder-
scheid / vnnnd demnach des Menschen Hertz / gantz
vnd gar nichts/ dann die Erbsünde / vnd die Erbsünde
gantz vnnnd gar nichts / dann des Menschen
Hertz/Natur/wesen/vnd alle seine beste Krafft seie/
So bezeug ich hiemit vor Gott/vnd seiner Kirchen
offentlich/das ich es niemals kein stund mit dir ge-
halten/halt es auch jetzt nicht/vnd/ durch die gnad
vnnnd beistand Gottes / in alle ewigkeit nimmer
mehr mit dir halten wölle.

Dann das wesen des Hertzen ist von Gott ers-
chaffen/ vnnnd der ursach/zwischen demselben vnnnd
der Erbsünde ein so grosser vnderscheid / so gross
der vnderscheid ist zwischen Gottes werck vnd des
Teuffels werck. Dann Gott ist ein erschaffer uns-
ser menschlichen Hertzen / auch nach dem fahl uns-
ser ersten Eltern/vnd nicht der Teuffel/wie geschri-
ben stehet: Erkennet/das der Herr Gott ist/ Er hat Psal. 100
uns gemacht/ vnd nicht wir uns selbst / In massen
wir auch in der außlegung unsers einfaltigē Christi-
lichen Glaubens bekennen: Ich glaub / das mich
Gott geschaffen hat / sampt allen Creaturen / mir
Leib vnd Seel/Augen/Ohrn/Sinn vnd alle Ver-
nunfft gegeben hat/vnd noch erhalt. Dargegen ist
der Teuffel ein anfänger vnnnd ursacher der Erbsünde/
vnnnd nicht Gott / wie geschriben stehet: Du Psal. 51
bist nicht ein Gott/dem Gottlos leben gefalle / Vñ
abermals: Wann der Teuffel die luge redet/so redet Joan. 8

A ij er von



Sendbrieff D. Jacobi Andree/ an

Joan. 7.

er von seinem eigen / dann er ist ein lugner / vnd ein
Vatter derselben.

Also ist nun die Erbsünde in dem Menschen auß
dem Teuffel/ Aber des Menschē Wesen/ auch nach
dem fahl/ ist auß Gott / wölche beide/ nämlich/ die
Natur / vnd Erbsünde/ sich zu mal in einem jeden
Menschen findet. Dann des Menschen Natur/
sein Leib/ Seel / vnd alle derselben Krafft / ist das
Wesen/ vō Gott erschaffen/ darin die Erbsünde ist/
wölche nicht allein die höchste vnd beste Krafft an
dem Menschen geschwächt / sonder des gantzen
Menschen Natur vnd Wesen dermassen verderbt
hat/ daß auch das geringst an des Menschē Leib/
Seel/ vnd allen derselben Kräfften nicht gesund/ son-
der alles zumal verderbt ist / wie wir im Lebrges-
sang singen: Durch Adams fahl ist gantz verderbt/
menschlich Natur vnd Wesen.

So du aber mit mir vnd der gantzen heiligen
Christlichen Kirchen glaubst vnd bekennest / daß
ein ander ding seie / des Menschen Hertz / souil sein
Wesen belangt / wie es sein vrsprung von Gott/ als
dem einigen Schöpffer hat/ vnd ein ander ding die
Erbsünde / so iren vrsprung von dem Teuffel hat.
Item daß ein ander ding seye/ des Menschen höch-
ste/ mitle vnd innerste Kräfften seiner Natur / vnd
ein anders/ derselben verderbung / nach wölcher sie
nicht gantz vnd gar/ wie auch des Menschen Nas-
tur/ zu nichten gemacht/ sonder sollicher gestalt ver-
derbt seind / daß sie in Geistlichen vnd Bötlichen
sachen/ auß jnen selbst/ nichts güts vermögen.

Daß also in einem jeden Menschen / auch nach
dem

M. Matthiam Glaccium Illyricum. 3

Dem fahl/bey einander vnderſchidlich Gottes Geſchöpff/vnd deſſelben verderbung/ ſo von/vnd auß dem Teuffel iſt/ gefunden/vnd der geſtalt Gott/was noch Gottes werck / iſt vnd bleibt/vnd dem Teuffel / was deſ Teuffels werck iſt / zugeſchriben werde / damit nicht die arme ſündige Menſchen / für deſ Teuffels Creatur vnd Geſchöpff gehalten/ der doch nichts erſchaffen kan / das ohne Gottes Geſchöpff ſein Weſen für ſich ſelbſt habe/ So iſt/durch Gottes gnad / nicht allein zwifchen dir vnd mir ein warhaftige Chriſtliche vnd beſtändige einigkeit gemacht / ſonder du wirſt auch hiemit der Chriſtlichen Kirchen widerumb verſöhnet werden.

Was dann belangt / daß du dich ehämest / was für ein einigkeit zwifchen dir vnd mir zu Straßburg gemacht ſein ſoll / weiſtu dich deſ Beſchluſſ deſſelben Geſprächs vor den Superintendenten vñ Paſtorn zwifchen dir vnd mir gehalten / noch wol zuerinnern / inmaſſen derſelbig / wie auch anders/ mit fleiß auffgezeichnet worden. Wölchs Geſpräch/ ich der uſach biß daher / vnangesehen/ daß du mich vil vnd oft in dein Schrifften vnbillich angezogen / nicht öffentlich an tag geben wöllen / damit ich der armen / vnd in ſo vil weg jämmerlich verärgerten Kirchen verſchonete / da ich dir rund geſagt / vnd zum augenschein erwiſen habe / daß du dein gefaſte meinung / weder auß Gottes wort/ noch auß menſchlicher Philoſophy erwiſen köndest.

Daß ich aber in ermeltem Geſpräch bekennet haben ſoll/ daß die wort/ alter Adam/ fleiſchlich geſinnet

Sendbreiff D. Jacobi Andree/an

sinnet sein/fleisch/steine Hertz / vnd dergleichẽ wort der H. Schrift / einerley bedeütten / vnnnd anders nichts heissen/dann die Erbsünde/bekenn ich nicht allein/das ich sollichs gestanden/sonder auch in die Federn angeben habe. Dann mit disen Worten beschreibet die H. Schrift den grossen schaden / der in des Menschen Natur steckt / wölchen er von der alten Schlangen empfangen hat.

Aber hiemit hab ich noch keins wegs den irthumb gebillicher/da fürgebenwürdt/das kein vnderscheid zwischen dem Wesen des fleischs vnnnd der Erbsünde seye.

Der vrsach ich dann dir vil vnd offft fürgehalten vnnnd eingeblewet habe / das die H. Schrift/da sie von sollichem schaden redet/nicht bloß/Hertz / vnd Mensch nenne/sonder allwegen solliche wort mit einem zusatz ausspreche/Nämlich steinere Hertz/der alte Mensch / darmit sie zwey ding anzeigt/nämlich das Hertz selbst/ vnd etwas steinere darinnen/ Item den Menschen/vnd etwas alts in dem Menschen/wölche beide bey einander / vnd also mit einander vereiniget seien / das sie nicht von einander/so lang der Mensch in diser welt lebet / getrennet/noch sollichen schaden der Mensch von sich legen kan / sonder allein durch den Tod muß hingenommen werden / wann nämlich / was sterblich / verweset/vnnnd ein geistlicher Mensch widerumb von den Todten ersteht / wölcher dise Erbkrankheit vnd vnaussprechlichen schaden in dem Grab lassen würdt.

Dann die Erbsünde/als des Teuffels werck/ist
nichts

M. Matthiam Flaccium Illyricum. 4

nichts wesentlichen für sich selbst/ one das Geschöpf Gottes/wölchs/seinem anfang vnd vrsprung nach/güt ist/sonder soll es etwas sein/vnd sein Wesen haben/ so muß es in dem gütten Geschöpf Gottes sein/ Wie dann die Sünde nur in zweien Naturen ist/nämlich in der Englischen/vnnd Menschlichen Natur/wölche zumal/jrem vrsprung nach/als Geschöpf Gottes/güt seind.

Dann darumb ist die Sünde böß / weil sie/was Warumb die Sünde böß.
güt ist / verderbt / daß es nicht mehr güt heißt noch ist/sonder böß / vmb der Sünde willen/ die darinnen steckt. Will sollich durch ein gleichnuß erklären. Blindheit ist etwas böß/ vnnd doch nichts für sich selbst/allein/ ohn ein anders / darinnen es steckt/sonder sie ist in den augen / nach dem gemeinen Sprichwort/da man sagt: Wer erblinden will/der fahet an den Augen an. Dise Augen seind zuvor güt geheissen/vnd gewesen/ehe sie mit der blindheit geschlagen worden. Vnd kan man nicht wissen/noch jemand sagen/was blindheit seie/ wann man nicht auch zugleich die Augē meldet/ darinnen die blindheit steckt. Dann/was ist blindheit anderst/dann ein verderbung der Augen / dardurch dem Menschen das Gesicht genommen würdt: Daß also ein anders ist das Auge / sampt seiner krafft zusehen/ vnnd ein anders/die blindheit in dem Auge / dardurch es verderbt/daß es nicht mehr sehen kan.

Vnd sollicher gestalt / ist nicht allein die blindheit für sich selbst böß/sonder das Aug ist/vmb der blindheit willen/auch böß/daß es nichts mehr taugget/ vnnd eben im Leib stehet / seiner gütten krafft
B nach/

Sendbrieff D. Jacobi Andree/an

nach/die das Auge verloren hat / als wann es nicht
zugegen were.

Ein solliche gestalt hat es auch mit der Erbsünde
de/wölche ein böß ding ist/ nicht von Gott erschaf-
fen / sonder/nachdem der Mensch erschaffen gewes-
sen/ist sie vom Teuffel dem Menschen angehendt
worden/nicht der gestalt/als wann einer mit einem
Kol oder Kreiden an ein Wand schreibet / da die
Wand vnuerendert bleibet / vnd weder besser noch
böser wirdt / sonder / nachdem der Mensch von
Gen. 1. Gott gut erschaffen/ wie geschriben : Vnd Gott sa-
he alles/was er gemacht/ vnd sihe es war alles sehr
gut / ist er hernach vmb der Sünde willen / nicht
mehr gut / sonder/durch die vbertretung vnser era-
sten Eltern/böß worden/das ist/gantz vnnnd gar in
seiner Natur verkeret vnd verderbt / daß nichts an
ime vnuerderbt vnd vnverkeret gebliben.

Auß diser verkereten vnd verderbten Natur/die
noch Gottes werck ist / vnnnd bleibet / hat Gott die
nachuolgende Menschen erschaffen / nicht auff die
weise/wie die erste zwen Menschen / daß jr Natur
von Gott/also gut geschaffen / vnnnd in der erschaf-
fung an denselben die Sünde nicht gewesen / vnnnd
erst hernach/wann sie in Mütter Leib geschaffen/
darein kommen were / Dann die Sünde/ist nichts
für sich selbst jemals / außserhalb der Engel vnnnd
Menschen Natur / gewesen / wölche an den güthen
Engeln hat angefangen / vnnnd von ihnen auff die
Menschen gerhaten. Sonder es erschaffet Gott die
Menschen auß der verderbten Natur / darumb sie
auch Sünder seien / in irer empfengnuß / vnnnd vor
ires

M. Matthiam Glaccium Illyricum. §

freer Geburt/ ebe sie geboren werden/wie geschriben
stehet: **S**ihe ich bin auß sündlichem Samen ge- Psalm. 51.
zeuget / vnnnd mein Mütter hat mich in Sünden
empfangen/ Also/das alles/was von Vatter vnnnd
Mütter in erschaffung des Menschen ist / das ist
alles sündig vnd verderbt.

Vnnnd sollichs geschicht daher/ das Gott Adam
vnd Euam / nach irem fahl/nicht gleich gantz vnd
gar widerumb zu kuchen geschlagen / vnnnd zu nischen
gemacht / als wann einem Töpffer oder Waff-
ner ein gefäß nicht gerhaten/schlecht ers widerumb
auff ein hauffen/vnd macht ein new gefäß/ wölchs
erst durch den Tod vnnnd Auferstehung geschehen
würdt / sonder hat ihne / als ein verderbten Men-
schen/bleiben lassen/vnd auß seiner verderbten Na-
tur vnd Wesen/verderbte Menschen geschaffen/in
wölchen die Natur Gottes / die verderbung aber
des Teuffels werck ist.

Das also nicht zwen vnderchiedliche Menschen/
nach dem Wesen / sonder ein einiger Mensch / vor
vnd nach dem fahl/gewesen/ doch mit disem vnder-
scheid/der zuuor gut von Gott erschaffen/eben ders
selbig/ist hernach/ auß des Teuffels eingebē/durch
die Sünde/böß/ vnnnd dermassen verderbt / das er
wol sein Leib vnd Seel/ wie auch derselben wesent-
liche Kräfte/ behalten/vnd keine verloren/ aber als
le zumal dermassen verderbt hat / das in dem ganz-
en Menschen / was er von Gott empfangen/
nichts vnuerderbt gebliben ist.

Also hat der Mensch nach dem fahl / behalten
die höchste krafft / so an einem Menschen / von der

Sendbrieff D. Jacobi Andree/an

Rom. 1.

ersten erschaffung her/ist/ dardurch er von den vn-
uernünfftigen Thiere vndercheiden würdt/ Näm-
lich/ sein verstand/ daß er ein vernünfftige Creatur
ist/ vnd nicht allein das gut vnd böß/ in eusserlichen
sachen/ vndercheiden kan/ sonder auch/ noch etlis-
cher massen ein erkantnuß Gottes/ vnd dieselbig so
groß hat/ daß er kein entschuldigung vor Gott ha-
ben kan/ wie S. Paulus an die Römer von den
blinden Heiden bezeuget/ da er also schreibet: Dann
daß man weiß/ daß Gott sei/ ist jnen offenbar/ dan
Gott hat es jnen geoffenbaret / damit/ daß Gottes
vn sichtbar Wesen / das ist / sein ewige Allmechtig-
keit vnd Gottheit/ würdt ersehen. Dann man muß
es mercken/ an den wercken/ die er thut/ an der welt/
die er geschaffen hat / also daß sie kein entschuldi-
gung haben/ dieweil sie wusten/ daß ein Gott ist/ vn-
haben ihn nicht gepreiset / als einen Gott / noch ge-
dancket.

2. Cor. 2.

Aber dise höchste Krafft / nämlich der verstand/
den sie von der erschaffung Gottes haben/ vnd sonst
kein irdisch Geschöpf hat / ist in ihnen also ver-
derbt / daß sie Gott nicht recht erkennen / wie her-
nach volget: Sondern seind in jrem dichten eittel
worden / vnd je vnuerstendig Hertz ist verfinstert/
da sie sich für weise hielten/ seind sie zu Narren wor-
den 2c. Jed der natürlich Mensch/ vernimbt nicht/
was des Geists Gottes ist / es ist jm ein thorheit/
dann er würdt von Geistlichen sachen gefraget.

Also hat auch der Mensch/ von der ersten erschaf-
fung/ noch den willen / wölcher ist ein Krafft der
Seelen/ der nicht ist in stein vnd holz/ dann stein
vnd

M. Matthiam Glacium Illyricum. 6

vnd holtz haben kein willen. Deswegen ein grosser vndercheid ist zwischen einem Holtz/vnnd einem vernunfftigen Menschen.

Aber solcher wille ist / nach dem fahl vnser ersten Eltern/dermassen verderbet/das er von Gott abgewendet / vnnd zum feinde Gottes worden ist/ Was Gott liebet / das leidet ime / vnnd was Gott leidet/das liebet ime/ wie geschriben steht: Fleischlich gesinnet sein / ist eine feindschafft wider Gott/ Rom. 8. sintemal es dem Besatz Gottes nicht vnderthon ist/ dann es vermag es auch nicht.

Disen beiden höchsten krefftten des Menschen/ nämlich/seinem verfinsterten verstand/vnd seinem verkehrten willen/seind vnderworfen / vnnd volgen nach / alle andere krefftten des Leibs vnd der Seelen/das also alles in dem Menschen / souil die Geistliche sachen / vnd vnser Seelen heil vnd seligkeit belangt / verfinstert vnnd verkeret ist / wie Christus sagt: Schaw darauff / das nicht das liecht in dir Luc. 11. finsternus sei / Dannso das liecht / das in dir ist / finsternus ist/wie groß würdt dann die finsternus Matth. 6. sein : Dann das liecht im Menschen / so Gott anfangs/in der erschaffung/dem Menschen gegeben/darmit er Gott erkennt / ist der verstand / oder die vernunfft. Dis liecht ist durch den Teuffel geblendet/das es finster worden/vnnd bleibt auch so lang Joan. 1. finster / bis Gott sein liecht vns wider anzindet. Das liecht aber ist er selber / der eingeborn Son 1. Joan. 1. Gottes / der im schoß des Vatters ist / der hat es 1. Tim. 6. vns verkündiget / vnd vns wider zu dem liecht gefüret/dabin kein Mensch/durch seine eigne krefftē/ kommen kondte.

B ij Die



Sendbrieff D. Jacobi Andree/an

Dieweil dann sollichs alles anders nichts/ dann die einfaltig / lautter warheit / möchte sich jemand nicht vnbillich verwundern / was doch die hinderuß / daß du dich in disen handel nit schicken kanst. Das will ich dir auch kurtzlich anzeigen.

Das Illyricum
in seiner meißung
auffhalte.

Dann das einig stuck ligt dir fürnämlich am wege / weil zu beiden theiln bekant / daß die Erbsünde für sich selbst nicht von dem Menschen abgesondert / sonder im Menschen sei / Der ursach dann auch nicht die Sünde im Menschen sündige / ohn des Menschen Natur vnd Hertz / sonder der böß Mensch sündiget / dem alle Sünde zugeschriben werden / So schleustu hierauf / es müsse der ursach die Erbsünde anders nichts sein / dann des Menschen Hertz selber / auß wölchem / als auß einem Brunnen / alle böse wirkliche Sünde herkommen. Der ursach dann nicht die Sünde im Menschen / sonder der Mensch anklagt werde / dessen Natur die böse / keinnütze / nichts werde Bestien ist / wölche aller Sünde vrsprung ist / vnd alle Sünde thüt.

Vnd hieher zeuchstu die Reden D. Luthers / die er hin vnd wider in sein Schrifften / zu beschreibung der Erbsünde / vñ erklärung dieses grossen Schadens gebraucht / vnd die Erbsünde / ein Person Sünde / Natur Sünde / vnd wesentliche Sünde genennet hat.

Pro. 1.

Aber ich bit dich durch die barmherzigkeit Gottes / du wöllest dich auß Gottes wort berichten lassen. Dann / wie Salomon zeuget: Wer weise ist / der höret zu / vnd bessert sich / vnd wer verstendig ist / der laßt im rhaten.

War

M. Matthiam Glacium Illyricum. 7

War ist es / daß du immer sagst / vñnd schreibst /
vñnd hat dir / meins wissens / niemands jemal wis
dersprochen / daß die werck der Sünden / der Na
tur / Substantz vñnd Wesen des sündigen Mens
schen zugeschriben werden. Dann des Menschen
hertz ist die brunquell aller Sünden / Aber gleich
wol schreibt S. Paulus recht vñnd vnsträfflich : So
ich aber thu / das ich nicht will / so thu ichs nicht /
sonder die Sünde / die in mir wohnet. Da dann S.
Paulus außtruckenlich von der Erbsünde redet /
vñnd macht ein vñnderscheid zwischen ime selbst / vñnd
der Sünden / die er nicht ist / nach seinem Wesen /
Wie er dann am selben ort auch klärlich zwischen
der Erbsünde / vñnd des Menschen fleisch / nach sei
nem Wesen / vñnderscheidet / da er schreibt : Ich weiß /
daß in mir / das ist / in meinem fleisch / nichts guts
wohneth. Demnach die Sünde in seiner Natur vñnd
Wesen wohneth / wölche doch seiner Natur vñnd We
sen / vñnd also auch seinem fleisch / weil er von Gott
zü gnaden angenommen / nicht zü gerechnet würdt.

Darauf zuuerstehn / daß des Menschen Hertz
nicht also / on allen vñnderscheid / von Christo genen
net würdt ein Brunn aller würcklichen Sünden /
sonder auff sein masse vñnd weise / nämlich vñnd der
Erbsünde willen / die im Herten des Menschen /
vñnd desselben jämerliche verkerung ist.

Dann da das menschlich Hertz ohn allen vñnders
scheid / ein Brunn aller würcklichen Sünden sein
solte / so müßte auch das Hertz Christi / eintweder
kein recht menschlich Hertz / oder auch ein sollicher
Brunn gewesen sein / weil er ein warhafftig menschs
lich

Wölcher gestalts
des Menschen
Hertz ein Brunn
aller würcklichen
Sünden seie.

Sendbrieff D. Jacobi Andree/an

lich Hertz gehabt / vnnnd sollich sein warhafftig
menschlich Hertz / auß der Substantz / Natur vnd
Wesen der hochgelobten Jungfrauen Marien an
sich genommen hat / wölchs doch kein from hertz
gedencken / ich geschweig / reden soll. Dann wiewol
der ewig Son Gottes / sein menschliche Natur /
derselben Substantz vnnnd Wesen / auß der Sub-
stantz / Natur vnd Wesen der Jungfrauen Maria-
en an sich genommen / Jedoch / wie es nicht nach ge-
meinem lauff der Natur / sonder ohne zuthun des
Mans / durch die Krafft vnnnd Wirkung des H.
Geists zugegangen / Also ist auch solliche Natur von
der Erbsünde ganz vnd gar nicht besleckt / sonder
von aller Sünden rein gewesen.

Derhalben ist das Hertz in vns Menschen / war-
hafftig die brunquell vnnnd vrsprung aller wircklis-
chen Sünden / nicht / wie es im ersten Menschen
von Gott erschaffen / sonder vmb der Sünde wils-
len / die dem Menschen von seiner sündlichen Ges-
burt her / anhanget. Vmb sollicher anhangender
vnd durchtribner Erbsünde willen / die des ganzen
Menschen Natur vnnnd Wesen / durchtriben / vnnnd
durchtrungen / ist des Menschen Hertz der Brun-
der vrsprung alles bösen / vnd die böse Bestien wor-
den / wölche alle krefft des Menschen / innerlich
vnnnd eusserlich gwaltig regieret / von allem gutten
abfüret / vnd zum bösen treibet.

Was die wort/
(verderbt hertz)
heissen.

Auß wölchem du leichtlich vernemen kanst /
wann ich das verderbt Hertz des Menschen nenn-
ne / daß ich / hiemit / zwey vnder schidliche ding nenn-
ne / vnd außspreche / Nämlich / das Hertz an jm selb-
ber /

M. Matthiam Glaccium Illyricum. 8

ber/vnd die verderbung des Hertzen/wölche beide in ein jeden Menschen / so auß fleisch geboren/ mit einander vereiniger / also / daß die Erbsünde/ ohne das Hertze / oder ohne die menschlich Natur / für sich selbst/nicht sein / wie auch der Mensch dieselbige auß sein eignen Kräfften nicht von sich legen kan.

Also erschaffet Gott/vnnd nicht der Teuffel ein böses Hertze / dann er machet es auß einer bösen Natur. Aber das böß im Hertzen / nämlich die Erbsünde / schafft Gott nicht / sonder sie ist vnnd bleibt des Teuffels werck/doch nichts für sich selbst/von dem Geschöpff Gottes abgesondert / sonder sie ist in dem Geschöpff Gottes / dardurch Gottes werck verderbt würdt.

Derhalben des Menschen Natur / angesehen/ derselben vrsprung / wölchen sie von der ersten erschaffung her hat / ist sie von Gott / vnnd bleibt ein Geschöpff Gottes / auch nach dem fahl / Gottes werck / vnd würdt nimmermehr des Teuffels Geschöpff oder werck / der nichts erschaffen kan/ das für sich selbst / außserhalb Gottes Geschöpff/ sein möge.

Waher des Menschen Natur nach dem fahl.

Dargegen aber/ist die Erbsünde/vom Teuffel/ deren anfänger vnnd anstifter ist der Teuffel/ des werck sie ist/vnd bleibt / vnd nimmermehr/auff keinerley weise noch weg/Gottes werck werden kan.

Waher die Erbsünde seie vnd komme.

So ist nun ein jeglicher Mensch / nach dem gemeinen lauff der Natur geboren / zumal Gottes Geschöpff/vnnd der gestalt / gut/ von wegen seines vrsprungs vn herkommens/so er von Gott hat/der nichts böses schafft / vnd gleich zumal auch ganz

Wölcher gestalt der Mensch zumal gut vnd böse genennet werde.

C vnd



Sendbrieff D. Jacobi Andree/an

vnd gar böß / vnnnd so böse / daß weder sein Natur /
noch Substantz / noch derselben Kræfften vnd wir-
ckungen güte / sonder alles zumal böse / verkeret / vnd
2. Joan. 5. verderbt / vnd wie Johannes zeuget / gantz vnnnd
gar im argen ligt.

Was kan oder soll man aber mehr von der Erbs-
sünde sagen oder schreiben: darmit wir von dir nit
für halb Pelagianer vnnnd halb Papisten gehalten
werden:

Warumb es nit
wider einander /
daß der Mensch
zumal güte vnnnd
böse genennet
werde.

Vnnnd was ich jetzo gesagt habe / von dem Mens-
schen / daß er zumal güte vnd böse seie / ist nicht wider
einander / weil es nicht auff einerley weise von dem
Menschen gesagt würdt. Dañ des Menschen Nas-
tur würdt darumb güte genennet / daß sie von Gott
erschaffen ist / der nichts böses schafft / Aber vmb
der Sünden vnnnd verderbung willen / so die Erbs-
sünde / in des Menschen Natur vnd Wesen machet /
ist sie warhafftig böse / Von wölchem bösen sie auch
aus iren eigen Kræfften nicht ledig werden kan / so
lang der Mensch in diser welt lebet / darumb sie bö-
se genennet würdt / vnnnd auch warhafftig böse ist /
also / daß solliche anhangende / anliebende / einwoh-
nende bosheit / darmit der Mensch durchtrungen
vnnnd durchtriben / Keins Menschen Zung außspres-
chen / Keins Menschen Hertz gnugsam verstehn /
noch begreiffen kan.

Warumb der
vnterscheid zwis-
schen der Natur
vnd der Erbs-
sünde zu behalte.

Dis muß man außdrucklich vnd vnterschieds-
lich lehren / vnnnd künden wir dessen kein vmbgang
haben / darmit Gottes vnd des Teuffels werck nit
vermischet / sonder eigentlich vnterscheiden wer-
den.

Dann

M. Matthiam Glaccium Illyricum. 9

Dann Gott schaffet nichts böses / wie jetzt an-
zeigt / aufferhalb dem vnglück / wölchs nicht die
Sünde / sonder straff der Sünden / vnd also auch
Gottes werck ist / Wie geschriben stehet: Ist auch ^{Amos. 26}
ein vnglück in der Statt / das der Herr nicht thue
Die Erbsünde aber ist nicht ein sollich vnglück /
darmit der Mensch vmb der würclichen Sünde
willen gestrafft werde / der sie an jm hat. Dann ehe
wir würclich sündigen / steckt dise Erbsünde in vns-
ser Natur / Wiewol es auch ein straff der Sünde
vnsrer ersten Eltern genennet werden mag / darmit
vnsere ersten Eltern / vnd alle derselben nachkoms-
men / auß Gottes verbengnuß / seind gestrafft / vnd
durch den Teuffel verderbt worden. Deren anfäng-
er oder vrsächer aber keins wegs Gott / sonder
der Teuffel ist / wie Johannes zeuget / da er sagt: ^{1. Joan. 30}
Der Teuffel sündigt von anfang: Vnd des Menschen
wille / weil der Mensch / welcher von Gott /
ohne Sünde / erschaffen / sich selbst auß freiem wil-
len verderbt hat / vñ nicht Gott / sonder dem Men-
schen / vmb sollicher seiner selbst verderbung wil-
len / den Tod getrawet hat / Da er sagt: Wölchs tra- ^{Gen. 30}
ges du dauon ißest / wirstu des Todes sterben.

Du irrest dich aber auch sonderlich in dem heff-
tig / wann du hörest / das dein Gegentheil / wie auch
alle rechtschaffne alte vnd newe Kirchenlehrer /
schreiben / das des Menschen Natur / souil dersel-
ben Wesen belangt / gut seie / Das du gleich darauß
schleust / als solten sie glauben vnd halten / das noch
jergendt ein theil oder kräfte in des Menschen Na-
tur vollkommen / vnd von der Sünde vnbesleckt ge-
bliben

Warin sich Il-
lyricus für näm-
lich irret.

Sendbrieff D. Jacobi Andree/ an

bliben sein solte/ als wann ein gesund Holz mit farben angestrichen/ aber an seinem Wesen vnuerderbt gebliben / so doch das gantz vnd gar ihr meinung nicht ist/ noch jemals gewesen ist.

Dann sie keins wegs dardurch verstanden habē wöllē/ als solt die Natur in allweg vnuerdert/ vñ vnuerderbt gebliben sein / das nicht ist / wie zuuor gnugsam angezeigt / vnd erkläret/ sonder sie wöllē souil sagen / daß der menschlichen Natur vrsprung von Gott/ vnd nicht vom Teuffel seie/ vnd daß vns Gott noch erkenne / für sein werck / wie geschriben stehet : Dein Hand hat mich gemacht/ vnd bereitet/ Vnd abermals: Das werck deiner Hände/ wölestu nicht verlassen.

Sollicher gestalt angesehen / ist des Menschen Natur/ souil es sein Wesen von Gott hat/ gürt. Dañ es ist besser / etwas sein / wann es gleich jämmerlich verderbt ist/ dann gar nichts sein/ Wiewol es bösen vnd Gottlosen leutten/ irenthalben/ besser were/ daß sie niemals/ wie Christus sagt/ geboren weren. Aber wann auch die Gottlosen / als Gottes Geschöpff/ angesehen werden/ seind sie Gefäß zū vnehren/ Vnd also ein theil der Gefäß im grossen Hause Gottes/ an wölichen / Gott / seinen außewelten Kindern sein Gerechtigkeit weisen wirt/ Wie geschriben stehet : In einem grossen Hause / seind nicht allein guldine vnd silberine Gefäß / sonder auch hülzerne vnd irdische/ vñ etliche zū ehren/ etliche aber zū vnehren. Vnd abermals stehet von Pharao geschriben: Eben darumb hab ich dich erweckt/ daß ich an dir mein Macht erzeige/ auff daß mein Name verkündiget werde in allen Landen. Dis

Psa. 119.

Psal. 138.

2. Tim. 2.

Rom. 9.

Exo. 9.

M. Matthiam Flaccium Illyricum. 10

Diß alles / weil du gelehrt bist / verstehestu wol /
vnd bedarffst Keins / der dich sollichs lehre.

Diweil du dann sibest / vnnnd greiffest / daß wie
die Erbsünde / Keins wegs gering achten / wann wir
sagen / daß in dem Menschen nichts vnuerderbt ge-
bliben / sonder daß er durch die Erbsünde / geistlich /
vor Gott / tode sey / vnd also dieselbig groß machen /
auff daß der verdienst Christi nicht verkleinert /
der vns von sollichem grossen vnaussprechlichen
schaden erlöset hat / So bitt ich dich zum höchsten /
du wöllest doch Gott die ehr geben / vnnnd seiner lies-
ben Kirchen / dises vnseligen / schädlichen / vnnnd era-
gerlichen Kriegs vnd Streits einmal abhelffen /
auch dir selbst / vnnnd andern Leuten rhü schaffen /
die zeit auff ein nutzlichere arbeit wenden / vnd also
besser anlegen.

Dann da ich dir nichts verhalte / sonder alles /
darinnen du in diser Zwispalt dich stossen möch-
test / trewlich anzeige / so hastu bis anher die Kir-
chen Gottes / mit etlicher wortten vngleichen ver-
stand verärgert / dich selbst / vnd andere Leut jrz ge-
macht / Wölche wort doch nicht in heiliger Göttlis-
cher Schrift / sonder bis daher in den Schulen für-
nämlich gebraucht worden / Als nämlich / (substan-
tia, forma substantialis, coessentialis) Wölche zumal
anders nichts / dann des Menschen Natur vnnnd
Wesen heißen / vnd dieselbig in ein andern verstand
gezogen / weder sie bis daher / in der Schul / vnd von
andern Kirchenlehrern gebraucht worden / Dar-
durch du verstanden hast im Menschen vor dem
fabl / die höchste gnad Gottes / vñ krafft des Mens-
schen /

Hauptursach
des Zancks Il-
lyrici von der
Erbsünde.

In was widers-
wertigem ver-
stand Illyricus
ertlich wörter
gebraucht.



Sendbrieff D. Jacobi Andree/an

ſchen / daß der Menſch Gott recht erkennt hat.
Nach dem ſahl aber / derſelben krafft widerwertis
ge verderbung / ſo an ſtatt der von Gott dem Men
ſchen in der erſchaffung gegebenen Gerechtigkeit
kommen / Vnd dahin auch etliche D. Luthers rea
den / wider ſein willen vnd meinung / gezogen / der ge
ſtalt es D. Luther niemals weder gemeint / noch
verſtanden haben wöllen.

Vnnd da man in dich getrungen / haſtu endlich
ſelbſt bekennen müſſen / daß ein groſſer vnderſcheid
ſey zwiſchen der Natur deß Menſchen / vnnd der
Erbsünde / auff wölchem vnderſcheid dann der
gantz Handel berhuet / Gleichwol aber immer für
vnnd für die oberzelte wort widerſinnlich vnnd an
derſt gebraucht / dann biß daher in der Kirchen
vnd Schul gebreuchlich geweſen.

Demnach / vnnd auff daß du ſehen mögeſt / daß
wir nicht einſchädlich Wortgezänck anrichten / ſon
der allein nach der warheit an jr ſelbſt fragen / wöls
len wir nicht vber den wortten / noch reden zänckē /
ſonder von der Sach an jr ſelbſt reden / Vnd da wir
in derſelben gleichen verſtand haben / vns auch der
wort / vnd etlicher gebrauchten reden halben / bald /
durch Gottes Gnad / verglichen haben.

Dann wie es recht geredt iſt / wann geſagt wir dr:
Ein Gedanck / Rede / oder Werck / das wider das
Geſätz Gottes iſt / das iſt Sünde / Da ich dann bey
einem jeden zwey vnderſchiedliche ding außſpreche /
Dann ein anders iſt der Gedanck an jm ſelbſt / vnd
ein anders / der mangel in dem Gedancken / ein an
ders iſt die Rede / vnd ein anders der mangel in der
Rede /

M. Matthiam Glacium Illyricum. 11

Rede/ ein anders das Werck / vnnnd ein anders der
Mangel im Werck / daß nämlich diser Gedanck/
dise Rede / vnnnd diß Werck nicht nach dem willen
Gottes gerichtet ist: Wie sollichen vndercheid die
D. Schrift klärlich angezeigt hat / da geschriben
stehet: In jme leben wir / vnd bewegen vns / das ist / Acto. 17
von Gott haben wir / vnd nicht vom Teuffel / dise
Krafft / vñ das auß der ersten erschaffung / daß wir
etwas gedencken / reden / vnd würccken / on wölches
gegenwertigkeit vnnnd beständige Krafft / wir vns
nicht regen noch bewegen kñndten. Aber von dem
Teuffel haben wir / daß alle solliche Gedanckē / Reden
vnd Werck verderbt seind / vnd wir / auß eignen
Krefftē / vermög der ersten erschaffung / nichts
guts gedencken / reden / noch thun kñnden / sonder
alle vnser Gedanccken / Rede / vnd Werck / mit der
Sünde beschmieret / vnd der vrsach böß sein:

Also ist auch von D. Luthern recht vnd wol ges
schriben / wann es nur recht vnnnd wol verstanden
würdt / daß die Natur vnd des Menschen Hertz /
seie die Erbsünde. Mit wölcher rede / D. Luther
zwey vndercheidne ding hat anzeigen wöllen /
Nämlich des Menschen Natur / wölche von
Gott erschaffen ist / vnnnd nicht vom Teuffel / (wie
geschriben stehet: In jme seind wir / das ist / Acto. 17
Das wir Menschen seien / das haben wir von Gott / Vñ
abermals: Er hat vns gemacht / vnd nicht wir vns Psal. 100
selbst / noch vil weniger hat vns der Teuffel ge
macht) vnd den mangel / wölcher in des Menschen
Natur vnd Wesen steckt / ehe der Mensch etwas
böses gedencket / redet / oder thut / Daß also die
Erba

Sendbrieff D. Jacobi Andree/an

Erbsünde nicht ist ein böser Gedanck / Wort / oder
Wercke / oder deren wirklichen Sünde eine / son-
der sie ist / wie D. Luther redet / ein Natur Sün-
de/ein Person Sünde / die in der Natur vnd Pers-
son des Menschē steckt/darauf die andern wirk-
liche Sünde herkommen. Dis ist eigentlich D. Lu-
thers meinung gewesen / wie du selbst bekennen
must / du wöllest dann wider dein eigen Gewissen
reden. Inmassen dann / durch dein gegentheil D.
Luthers Spruch in grosser anzal/ mit fleiß aufge-
zeichnet / da D. Luther nicht allein mit klaren
wortten zwischen der Natur des Menschen / vnd
der Erbsünde vnderscheidet / sonder auch fein rund
sagt / daß des Menschen Natur / auch nach dem
fahl/in dem verstand / gut seie / wie daroben ange-
zeigt worden.

Dieweil dann die Sachen im grund also geschaf-
fen/so bitt ich dich lautter vmb Christus willen/ vñ
bezeuge dich auch vor dem Herrn / daß du auffhö-
ren wöllest / mit sollichem grossen ärgernuß der
Kirchen / weiter vber diesem Artickel / mit dein
Brüdern zusancken vnd zustreiten/wölche von der
Erbsünde recht halten vnd reden.

Dann ich bin gewiß/wann D. Luther selbst von
den Todten auffstehn solt/des wort du immer fik-
rest/vnd das vrtheil zwischen dir vnd inen sprechen
solt / daß er dir nichts anderst antwortten wurde/
dann wie du vernommen hast.

I. Du wöllest auch bey dir mit fleiß bedencken vnd
erwegen/wie nicht weniger daran gelegē/ daß man
Wie hoch an di-
ser Lehr gelegē/
daß zwischen
in der Kirchen Gottes den rechten verstand von
dem

dem Schöpffer vnd den Creaturen Gottes erhalte/darmit nicht Gottes vnnnd des Teuffels werck/ mit einander vermischer werden / dann vber diser Lehre / im Artickel von der Erbsünde / daß man die Erbsünde nicht gering achte / darmit der verdienst Christi nicht verkleinert werde. Wölchs aber nicht geschehen kan / da nicht ein lautterer klarer vndercheid zwischen des Menschen Natur / vnnnd der Erbsünde gemacht vnd gesetzt würdt. Wölche Erbsünde in des Menschen Natur steckt / inmassen alle alte Christliche Kirchenlehrer geredt / vnnnd von keinem rechtglaubigen darüber jemals seind gestrafft worden.

So sihestu gleicher gestalt augenscheinlich / vnd verstehest es eigentlich wol / daß die fürnemste Artickel vnser Christlichen Glaubens / offenbarlich gefälscht werden / wann sollicher vndercheid zwischen der Natur / vnnnd der Erbsünde nicht gesetzt vnd erhalten würdt.

Dañ so die Erbsünde / ist / ohn allen vndercheid / des Menschen Natur / also / daß zwischen des Menschen Natur vnnnd der Erbsünde / ganz vnnnd gar kein vndercheid ist / So volgt vnwidersprechlich / daß einweder Gott ein erschaffer vnd ursacher der Sünde seie / oder daß wir arme sündige Menschen / des Teuffels Geschöpff vnnnd Creaturen seien / wölchs beides zumal Gottlos vnd lösterlich ist zuzudencken / ich geschweig / zureden oder zuschreiben.

Zum andern / so würdt dise verkerte meinung von der Erbsünde / den frommen vnd Gottseligen Menschen iren höchsten Trost nemen / den sie an dem

der Natur vnd der Erbsünde vndercheid gehalten.

^{1.} Der Artickel vñ der erschaffung durch disen irthumb verfälschet.

^{2.} Der Artickel vñ der Menschwerdung Christi verfälscht.

Sendbrieff D. Jacobi Andree/an

Hebr. 2.

Rom. 1.

Hebr. 2.

dem Menschen Christo haben / von wölchem ges
schriben stehet : Er nimpt nicht Engel an sich / son
dern den Samen Abrahe nimpt er an sich. Vnnd
abermals: Der geborn ist von dem Samen David
nach dem fleisch. Vnnd abermals: Nachdem die
Kinder fleisch vnnd Blüt haben / ist ers gleicher
massen theilhaftig worden.

Wann aber das fleisch / ohn vnderscheid / die
Erbünde selbst ist / so volget / daß Christus eintwe
der das sündig fleisch an sich genommen habe / der
gestalt er vns dann nicht hette von Sünden erlö
sen könden / weil er selbst ein Sünder gewesen were /
oder daß nach dem Wesen das fleisch Christi / ein
anders fleisch gewesen were / dan Abrahams / Da
uids / vnnd Marien fleisch / wölchs beides falsch /
Gottlos / wider die ganz heilig Schrifft / vnnd vns
ern Christlichen Glauben ist.

Der Artickel vñ
sitzten Christi zur
Rechten Gottes
verfälschet.

Job 19.

Also ist auch das vnser höchster Trost / daß wir
vestiglich glauben / daß vnser fleisch zur Berechten
der Maiestet vnd Allmechtigen Krafft Gottes era
höhet / vnd gesetzt seie. So aber das fleisch Christi /
nach dem Wesen / ausserhalb der Sünden / nicht
vnser fleisch ist / Wie ist er vnser Brüder nach dem
fleisch? Wie ist er fleisch von vnserm fleisch? Wie
ist er Bein von vnsern Bein? Item / wie würdt der
Spruch Jobs bestehn: da er also saget: Ich weiß /
daß mein Erlöser lebet / vnnd er würdt mich her
nach auß der Erden erwecken / vnd werde darnach
mit diser meiner Haut vmbgeben werden / vñ wer
de in meinem fleisch Gott sehen / denselben werde
ich mir sehen / vnd meine Augen werden in schawē /
vñ

M. Matthiam Glaccium Illyricum. 13

vnd kein frembder. Dann einweder muß Job die Erbsünde wider mit sich bringen/ auß der Erden / oder ein anderer würdt an sein statt Gott sehen / oder die Erbsünde kan nicht sein das Wesen/ der menschlichen Natur Jobs/ Wie sollich ein jeder einfältiger Mensch / der seines verstands nicht gar beraubt ist/ verstehn kan.

Ja / wie will der Artickel vnsers Christlichen Glaubens bestehen von der auferstehung des Fleisches/wann die Erbsünde/on allen vnderscheid/ das Fleisch selbst ist: Dann einmal ist gewiß/ vnd vnwidersprechlich war/ daß die Erbsünde am jüngsten Tag / mit den Rechtglaubigen nicht erstehn/ sondern / als die Wurtzel aller Sünden / im Grab verderben würdt. Die Natur aber des Menschen/ soll von der Erbsünde purgiert vnd gereiniget werden. Derhalben so muß einweder das Fleisch / so gesäet würdt / wie der Apostel schreibet / nicht erstehn/oder es muß ein sündigs Fleisch erstehn/oder die Erbsünde muß etwas anders sein / dann das Fleisch des Menschen / nämlich die verderbung desselben / wie droben gnugsam angezeigt.

In summa / es ist nicht außzusprechen / was vnzalbar/vngereimbt/ vnd vngeschickt ding auß dieser Lehr volget / wann fürgeben würdt / daß / ohn allen vnderscheid / die Erbsünde / des Menschen Substantz/Natur/vnd Wesen selbst seie.

Derhalben ist in dir noch ein warhafftige Gottes seligkeit / hastu noch ein Funcklein der liebe zur Göttlichen warheit / ist dir die ehr Gottes angelegen / hastu auch einich verlangen vnd begierd zu

D ij Christus

⁴⁰
Der Artickel vñ
der Auferstehung
verfälscht

Sendbrieff D. Jacobi Andree/an

Christlichem Friden/ vnnnd Gottseliger einigkeit/ ist
auch einiche bekümmernuß bey dir / vber dē gewo-
lichen ärgernuß / dardurch souil frommer hertzen
geärgert/ zum theil auch von vnser Lehr gantz vnd
gar abgeschreckt / so bitt ich dich / durch die grosse
Barmhertzigkeit Gottes/ daß du doch einmal wöls-
lest auffhören/ vber deiner einmal gefaßten meis-
nung zuzancken/ vnd deine Brüder/ als Pelagianer
vnnnd Papisten vor der Kirchen Gottes zuuerriß-
fen / vnnnd außzuschreien / die Gottselig / recht /
vnd vnderchiedlich/ von diesem Artickel reden vnnnd
schreiben/ vnd den rechten vndercheid zwischen des
Menschen Substantz / Natur / Wesen / vnnnd der
Erbünde / (wölche Erbünde alle rechtschaffne
Christliche Lehrer ein zufällig ding genennet ha-
ben) halten / Wie sie dann sollichen vndercheid auß
vnuermeidenlicher not / halten müssen / sie wöllen
dann Gottes vnd des Teuffels werck vnder einans
der mengen/ vnd was Gottes ist/ dem Teuffel/ vnd
was des Teuffels werck seien/ Gott zuschreiben.

Christliche Lehr-
vnd bekantnuß
von der Erb-
ünde.

Darneben aber/ vnd/ vermög dieses vndercheids/
lehren sie von der Erbünde / daß dieselbige / nicht
nur eine/ vnd die beste krafft des Menschen/ sonder
zumal alle mit einander / die wenigst / als die höch-
ste/ keine außgenommen/ durchtrungen/ vnnnd so jä-
merlich verderbt habe / daß nichts gantz oder ges-
und / an dem gantzen Menschen / an Leib/ Seel/
vñ allen desselben kräfte vbergebliben/ Vnd man
demnach recht vnd war sagen mag / daß alles/ was
an ihme seie / nichts dann Sünde / das ist / mit der
Sünde also besleckt seie / daß der Mensch auß
eignen

M. Matthiam Glaccium Illyricum. 14

eignen Kräfften/ vor der Widergeburt / (wölche ein werck des H. Geists ist /) weder Gott recht erkennen/ noch an ihn glauben/ ihn lieben/ noch fürchten können / sonder der H. Geist müsse den Menschen widerumb new geben / das Hertz ernewern / andere Gedancken in demselben erschaffen / sonst sei es mit aller menschlicher hilff vnd Kräfften verlossen. Was kan man doch mehr von der Erbsünde/ schreiben oder reden

Derhalben wann du mit vns glaubst vnd beltest von der Erbsünde/ wie nunmehr gnugsam erkläret worden/ so rede auch mit vns/ das ist/ gebrauch dich auch sollicher reden / die bis anher in vnsern Kirchen vnd Schulen gebreuchlich gewesen / wie dann an jm selbst Gottselig/ billich / vnd recht/ zu vermeiden alles dessen / das vneinigkeit / vnd ärgerliche trennung geben mag.

Da du dich aber je D. Luthers seligen Reden gebrauchen wilt/ die er/ an seinem ort/ recht vnd wol gebraucht / so behalt auch sein erklärungs / die dir durch die Brüder auß sein D. Luthers Schriften mit fleiß außgezeichnet worden / Da dann D. Luther klärlich zwischen der Erbsünde/ vnd des Menschen Natur vnderscheiden/ vnd gleichwol die Erbsünde des Menschen Natur selbst/ fürnämlich der ursach halben genennet/ darmit anzuzeigen den vnderscheid zwischen der Erbsünde/ vnd den wirklichen Sünden/ Das nämlich die Erbsünde nicht in den wercken/ sonder in des Menschen Natur/ Person/ Herten/ vnd allen Kräfften stecke/ wann gleich kein wirkliche Sünde volgete.

D iij Vnd

Sendbrieff D. Jacobi Andree/an

2. Tim. 2.

Vnnd wöllest dich hie sonderlich erinnern / des ernstlichen vermanung des H. Apostels Pauli / da er also an sein Junger Timotheum schreibet: Bes zeuge sie vor dem Herren / daß sie nicht vmb wort zanken / wölchs nichts nutz ist / dann zuuerkeren / die da zühören. Wie es dann in warheit ein grosse Sünde ist / vnnd du deshalben am jüngsten Tag schwere Rechenschafft geben must / da du der Kir chen Gottes nicht gnug thon / vnd dises ärgerlichen Streits derselben abhelffen wirst.

Dann einmal wiltu kein Manicheer sein / noch iren Irthumb verthedigen / daß die Erbsünde etts was für sich selbstendigs seie: Darneben aber wiltu auch mit dein Brüdern nicht vberlein stimmen / wölche gebürlichen vnderscheid zwischen der Erb sünde / vnd des Menschen Substantz / Natur / vnnd Wesen / recht / Christlich vnd wol halten / vnd sagst Immerdar vil von dem verstand der wörter / Subs tantz / vnnd Wesen / wie dieselbige nicht in einerley verstand gebraucht / vnd wie dir dein meinung ver fert werde / So du doch mit einem wort / dir vñ der Kirchen Gottes dises leidigen / ärgerlichen / vnnd schädlichen Streits wol abhelffen köndtest.

Ob der Streit von der Erb sünde ein Wort zank seie.

Demnach du selbst leichtlich erkennen kanst / wann du mit Mund vnnd Hertzen bekennest / daß ein anders seie des Menschen Natur / vnnd ein anders die Erbsünde / so ligt es am hellen liechten tag / daß der Streit sey nur allein vber den wortten / substantia, essentia, forma essentialis, vnd was dergleichen / mit wölcher vngleichen vnd vngewonlichem verstand / vnd auslegung / du die Kirch Gottes vil
Jar

M. Matthiam Slaccium Illyricum. 15

Jar betriebe/ vnd jtz gemacht hast/ daruon der gemein Ley nicht vrtheilen kan. Wie es dann ihme auch/ zu seiner Seelen heil/ nicht nöthig ist/ wann er allein weiß/ daß die Natur von Gott/ vñ die Erbsünde vom Teuffel/ vnd also eins das ander nicht seie/ sonder daß die Natur durch die Erbsünde verderbt/ vnd also die Erbsünde nichts anderst/ dann der Natur verderbung seie.

Da man auch deine eigne wort/ vñnd gesetzte Erklärung/ mit fleiß ansieht/ so findet sich im grund nichts anders/ sonderlich wann in dich getrungen würdt/ dann daß du eben das sagst/ was dein Gegentheil treibt/ vnd du gleichwol dich mit jnen nicht vergleichen wilt/ auch nicht auffhörest jnen zu widersprechē. Als da du auff dem Titrel deines Buchs lins: Dreifache einigkeit ic. dise wort setzest/ die Erbsünde seie die höchste krafft/ ein König vñnd vrsach/ die so vbel herrsche im gantzen Menschen/ wider Gott/ vñnd sein wort/ Wie auch wider den Nächsten/ wölche seie der Brunn/ vrsach vñnd vrsprung aller würcklichen Sünden/ wölche alle glieder des Menschen durchtrungen hat/ vñnd das ist war/ recht/ Christlich vnd wol geredt vñnd geschriben. Wer ist aber vnder allen Theologen Augspurgischer Confession/ der sollichs widersprochen/ oder das widerspil gelehret hette: Da du dann auch den vndercheid der Erbsünde/ vnd des Menschen Natur außtruckenlich setzest/ da du sagst/ Die Erbsünde sey vnd regier im gantzen Menschen/ vnd allen seinen Gliedern. So ist nun ein anders/ der Mensch/ seine Glieder/ sein Substantz/ Natur/ vnd Wesen/

Wiewil ein Ley:
en von disem
Streit zu wis-
sen vonndtren
seie.

Illyricus gibe/
wider sein wila-
len/ seinem Ge-
gentheil zeug-
nuß der wars-
heit.

Sendbrieff D. Jacobi Andree/an

Wesen / sampt allen sein wesentlichen Kräfften/ vnd ein anders die Erbsünde / die in dem Menschen/in sein Gliedern / in seiner Natur/ Substantz/ Wesen/ vnd allen Kräfften regieret/ vñ sie alle zumal durchtrungen hat / das kan ein jeder einfaltiger Christ wol verstehn. Das werck aber der Erbsünde / ist nicht der Erbsünde werck allein / wölchs die Erbsünde / ohn den Menschen / oder ohne des Menschen Natur würckete. Dann wie die Erbsünde für sich selbst nicht ist / von des Menschen Natur abgesondert / also würcket sie auch nicht ohne des Menschen Natur / sonder der verderbt Mensch selber / sein verderbte Natur selber / ist / die alle wirkliche Sünde thut / dem sie auch zugerechnet werden.

Darumb/ vnd auff das ich dir den ganzen Handel sein kurtz vnd deutlich vnder augen stelle / so erkläre dich sein rund / auff nachuolgende Artickel. Wann du glaubst vnd helst / daß zwischen der Erbsünde/ vnd des Menschen Natur ganz vñnd gar/ kein vnderscheid seie/ sonder die Natur seie die Erbsünde / vñnd die Erbsünde sey des Menschen Natur/ so bistu ein öffentlicher/ vberzeugter/ vnd vberwisner Manicheer.

Wilstu aber / daß die Natur nicht seie die Erbsünde / noch die Erbsünde die Natur / sonder etwas in der Natur/ nämlich derselben verderbung/ so seind wir im grund der Sachen einig. Vñnd ist der ärgerlich Streit/ den du fürest/ nichts / dan ein erzender Mutwill an dich. Deren zwey muß eins sein/ das kan nimmer fehlen.

Nun

M. Matthiam Glaccium Illyricum. 16

Nun wirffstu aber in dein Schrifften sollich
vnder einander / jetzt sagstu / des Menschen Natur
sey die Erbsünde selbst / dann laugnestu es wider /
vnd sagst / es sey ein vnderscheid zwischen der Na-
tur des Menschen / vnd der Erbsünde / dardurch
du die Leut so ir gemacht hast / daß sie sich selbst
auß deinen Schrifften nicht berichten könden.

Da du nun lust hettest zu Christlichem Friden
vnd einigkeit / köndtestu derselben dises Streits /
mit ein einigen wort abhelffen / Wie ich dann des
halben dich auff dein eigen Gewissen hiemit gewis-
sen haben will.

Der Streit Il-
lyrici von der
Erbsünde / ein
lautterer Mut-
will.

Aber darmit du nicht darfür angesehen / oder
gehalten werdest / als soltestu im geringsten geirret
haben / so wiltu vil lieber / vngeachtet alles ärgers
nuß / darmit / ohne das / vnser Kirchen zum höch-
sten beschweret seind / dich mit dein Brüdern beiß-
sen vnd zancken / dann zugeben / daß dir das ge-
ringst an deiner ehr solt abgehn / Wölches in der
Kirchen Gottes vbel lauttert.

Bistu kein Manicheer / so will ich dich auch zu
keinem machen / noch wider deinen willen dir dies
selbig Ketzerey auffringen / Allein daß du der Kir-
chen Gottes / mit einer runden vnd kurtzen erklä-
rung gnug thüest / vnd erklärest / daß du nicht allein
mit deinen Brüdern / sonder auch mit der ganzen
Kirchen Gottes / recht vnd einhellig / von disem
Artickel haltest / die du mit deinem vnotwendigen
schreiben / nun etlich Jar betreibt / vnd verärgert
hast.

Darzu du dann ein ganz einfaltigen vnd richti-
gen

Le gen

Sendbrieff D. Jacobi Andree/ an

Wölcher gestalt
Illyricus disen
zancf auffheben
kündte.

gen weg hast / daß du frey offentlich vnnnd rund bes
kennest / du seiest in disem Wandel auff D. Luthers
wort gegangen/wölche D. Luther in erklärung der
Erbünde gebraucht/die an jm selbst nicht vnrecht/
da er die Erbünde genennet hat / Natur Sünde/
Person Sünde/ wesentliche Sünde/nicht aber der
meinung / daß die Erbünde für sich selbst ein Wes
sen seie/sonder daß sie im Wesen/in der Natur/vnd
Substantz des Menschen stecke / vnnnd nicht ein
würckliche Sünde sey/die in Gedancken/Wortten
oder Wercken seie/ vmb wölcher Sünde willen die
Natur des Menschen auch Sünde genennet wer
de / das ist / mit der Sünde befleckt / gleich wie ein
Gedanck/Wort oder Werck/Sünde geneuet würt/
darumb/daß es mit der Sünde befleckt ist.

Warumb vnd
in was ver=
stand/die Natur
ein vrsprung
der würcklichen
Sünden genen=
net werde.

Der vrsach auch die Natur des Menschen ein
brunn/vrsach/ vñ vrsprung aller würcklichen Sün
den genennet werde/ daß nicht die Erbünde von
der Natur abgesondert/ ihre würckungē habe/son
der daß die Natur selbst vmb ihrer verderbung wil
len / als ein böser Baum/auch solliche verderbte
böse Frucht bringet.

Der gestalt die Natur / wölche noch Gottes
Werck ist/auch in den Menschen nach dem fall/ vñ
die Erbünde/so des Teuffels Werck ist / nicht mit
einander vermenger/ sonder gebürlich/ Christlich/
vnd recht vnderscheiden/ vnd Gott / was Gottes/
vnd dem Teuffel / was des Teuffels ist / zugeschri
ben werde. So ist schon zwischen vns ein Christli
cher frid vnd einigkeit gemacht / vnd der Kirchen
Gottes diser ergerlichen zweyspaltung / auch ohn
gllen

M. Matthiam Glaccium Illyricum. 17

allen nachtheil der Göttlichen Warheit / abgeholfen.

Was dann die zwey wort (Substantia/vnd Accidens, das ist/selbstendig/vnd zufällig) belangt/so biß daher in den Schülen gebraucht/ist mein rath/vnnd freündlich bitt / daß du vns derselben kein neuen verstand noch bedeutung machest / daher dann auch fürnemlich dise leidige spaltung / nicht zum geringen theil/kommen / sonder dieselbige bleiben lassest/wie sie nun mehr etlich tausent Jar / inn vnd außserhalb der Christenheit in einhelligem verstand gebraucht seind worden. Vnnd demnach von der Sünde redest/wie man biß daher in der Schül recht vnd wol daruon geredt hat.

Dann wölcher rechtuerstendiger hat jemals/nun mehr etlich tausent Jar her/geredt / oder geschriben/daß die Sünde seie/Substantia, das ist/etwas selbstédigs für sich selbst: weil die Sünde nicht für sich selbst ist / sonder sol sie sein / so muß sie ein Creatur Gottes haben / darinn sie sey / als nämlich der Engel/oder der Menschen Natur/wölche Natur der Engel/oder der Menschē / ist ein substantz/ das ist/etwas Wesentlichs für sich selbst/die Sünde aber ist keins wegs etwas für sich selbst/sonder/sie ist etwas in der substantz / vnd darzu derselben kein theil/sonder nur ein gewliche verderbung vnd verwüstung der gantzen Natur / vnnd aller derselben theil vnd kräfte.

So ist auch bey allermeniglich offenbar / vnd vnwidersprechlich war / daß Gott allein ein Erschaffer seie aller substantz/ das ist/alles des / was
L ij ein

Sendbrieff D. Jacobi Andree/an

ein selbstendig wesen für sich selbst von dem andern
abgesondert hat. Da nun die Erbsünde/ ein Subs-
stantz/ das ist/ etwas selbstendigs für sich selbst we-
re/ so müßte sie auch von Gott erschaffen sein / das
lösterlich zugedencken ist.

In summa / kein verstendiger / nicht allein in
der Christenheit / sonder auch bey allen Völkern
auff Erden/ ist jemal so grobes verstands gewesen/
daß er die Sünde/ sie sey in der Natur/ oder in den
Werckē der natur/ für ein Substantz gehalten hette.

Disß könden gelehrte vñ vngelehrte Leut ver-
stehn/ vñ da du dir es auch gefallē lassest/ so ist schon
frid vnd einigkeit / zwischen dir vñ deinē Brüdern
gemacht. So du aber fortfahren/ vnd der geoffens-
barten warheit weiter widersprechen wirst/ ver-
hoff ich/ du sollest kein Rechtglaubigen verstendi-
gen Menschen nimmer mehr finden/ der dir verner
anhangen/ vñnd sich von dir im Irthumb lenger
auffhalten lassen werde.

Du solt auch wissen / daß hinfüro kein gelehr-
ter Mann/ darfür halten werde/ daß es ein vnuer-
stand/ sonder anders nichts/ dann ein lautter Bos-
heit / vnd mütwill an dich seie / daß du die Kirche
Gottes/ ohn alle vrsach/ zu diser beschwerlichen zeit/
mit sollichen vnnötigen vnd vnzeitigen Schrif-
ten/ mütwiligem zanken vñnd hadern betrübest/
verergerst vnd verwirrest.

Zwischen dem
Illyrico/vñnd
seinem gegen-
theil/ist kein miß-
verstand mehr.

Dann du darffst hinfüro nicht sagen / noch
schreiben / wir haben dein meinung nicht recht ein-
genommen/ wir verstehn dich nicht. Nein/ Nein/
es hat dise meinung gar nicht/ Es were dann / daß
du

M. Matthiam Glaccium Illyricum. 18

du vns alle für lautter Stöck vnnnd Blöck hieltest/
die nichts verstehn köndten / Oder/das du so vn-
richtig vnnnd verworren ding schriebest / das kein
Mensch dich verstehn / vnd sich in deine verworren-
ne Schrifften richten köndte. Wir verstehen dich
nun gar wol / vnnnd ist hie kein mißuerstand mehr/
wir haben dein meinung eigentlich vnd wol einges-
nommen / Vnd das wir dir das geringst in dein
Schrifften nicht verkehren / dessen soll diser Sends-
brieff ein offentliche Zeugnuß sein / mit wölchem
wir dir den friden vnd Christliche einigkeit anbie-
ten/vñ in die Hände geben/darzu du ohne nachtheil
deiner Ehr/ vnd deines Namens / Kommen kanst/
so du nur wilt / vnnnd das du es thust / bitt ich
dich nochmals durch die barmhertzigkeit Gottes/
da du dich dann fleissig erinnern wöllest / was du
nun so vil Jar andern vorgeschriben/ vnd an keiner
erklärung zufriden sein wöllen / vnangesehen / das
sie sich vil vnd oft erkläret / vnd bezeuget / das dis-
jhr meinung niemals gewesen/so jhnen zugemessen/
vnd demnach Gott zu ehren / vnd der Kirchen eis-
nigkeit zuerlangen/ gantz vnd gar fallen lassen/das
ran sich andere geärgert haben.

Würstu aber sollichs nicht thün/sonder vber so
vil vnd mancherley erinnerung/vermanung / bittē
vnd flehen / so dir von deinen Brüdern beschehen/
noch immer auff deinem Kopff bestehen/ vnnnd die
Kirch Gottes noch lenger auffhalten/vnd mit dei-
nem schreiben vber disem Artickel betrieben/so soltu
wissen / das dich Gottes Urtheil treffen / vnnnd du
dein schwere straff von Gott gewißlich empfangen

L ij wer



Galae. 50

Sendbrieff D. Jacobi Andree/an

werdest/ wie geschribē stehet: Wer euch jrz machet/
der würdt sein Vrtheil tragen/ er sey wer er wolle.

Das hab ich dir auff deine jüngst in Truck ver-
fertigte Schrifft kürzlich antwortē wöllē/darinnen
du dich rühmest/das zwischē dir vñ mir ein vergleis-
chung im Artickel von der Erbsünde getroffen sei.

Dann was mein freundlichen lieben Wirbrü-
dern vñnd Collegen / D. Jacoben Heerbrandt bes-
langt/hat er es für ein vnnorturfft gehalten /nach
dem du von vilen gelehrten Kirchendienern vñnd
Theologen/so vilfältig vermanet vñnd vberzeugt/
dir weiter zu antworten.

Inmassen dann ich auch dise Jar vber gethon/
vñ stillgeschwigen/da du mich in ettlichen vilen dei-
nen Tractätlin ganz vnfreundlich angezogen/vñ
hiemit vornemlich der Kirchen Gottes verschö-
net/wölche ohne das / mehr/ denn vil / ergerlicher
spaltungen vñd trennungen gehabt/vñd immer ge-
hofft / Gott soll dir ein andern Geist geben / auch
nach dem gottseligen vñ Gott wolgefälligen Friden
sutrachtē/sonst wolt ich vor langest/das gantz Ges-
spräch/wie es zwischen mir vñd dir zu Straßburg
gehalten/ in offentlichen Truck verfertiget haben.

Geben zu Tübingen am tag des H. Augustini/
wölches Namens Gedächtnuß in der Kirchen
Gottes/da er gleich sonst nichts güts außgerichtet
hette / doch der vsach würdig ist / das sie gehalten
werde/ dieweil er alle seine Bücher / so er in grosser
anzal/zuerklärung vñnd errettung der Göttlichen
warheit wider die Ketzer/ nützlich geschriben / vor
seinem Tod mit fleiß widerumb vbersehen / vñnd

no

M. Matthiam Glaccium Illyricum. 19

wo er der sachen zu vil oder zu wenig gethan / oder allein die fürsorg getragen / daß nach seinem Tod etlich in sein Schrifften von den Nachkommen vbel verstanden würde / darauff Irthumb oder ergerliche spaltungen entstehn möchten / zwey Bücher geschriben / Libros Retractationū genennet / darinnen er den Christlichen Leser desselben fleissig erinnert hat. Vñ da sollichem seine Exempel die Lehrer der Kirchen auch diser vnd allerzeit nachfolgten / wir ohne zweiffel / eintweder weniger spaltung in der Kirchen betten / oder derselbigen bald widerumb erlediget werden möchten.

Dann wer ist so behütsam in allen seinen reden vnd schreiben / dem nicht zu zeitten ein vnbedacht wort entfare: da er desselben erinnert / billich nicht halßstarrig darüber streitten / ja / da es gleich an jm selbst nicht so gar vngereimbt geredt / dannoch / vmb frides willen / nachgeben soll / nach der Lehr S. Pauli : So die Speise mein Bruder ergert / ^{1. Cor. 8.} wolt ich nimmermehr Fleisch essen / auff das ich meinen Bruder nicht ergerte. Vnd abermals : Lieber verderb den nicht mit der Speise / für den Christus ^{Rom. 14.} gestorben ist. Also / da man sich in der sachen an ihr selbst recht Christlich verglichen hat / daß da kein mangel noch mißuerstand mehr ist / heist es gleicher gestalt: Lieber / verderb dē nicht mit ein wort / halßstarrig darüber zustreiten / darmit du nicht dafür gehalten werdest / als hettestu geirret / für dē Christus gestorbē ist. Demselben sampt dem Vater vnd heiligen Geist / sey lob ehz vnd preis in ewige Zeit / Amen.

Kurz

Sendbrieff D. Jacobi Andree/an
Kurzer Summarischer Bericht / dar-
durch der Weg zur Christlichen einigkeit im
Streit vber dem Artickel von der Erb-
sünde angezeigt würdt.

Ber der Frag / von der Erbsünde /
ob sie des Menschen Natur vnnnd
Wesen sei / oder / ob sie ein theil des
Wesens am sündigen Menschen sei:
ist vor allen dingen zu wissen / daß
dies wort (Wesen) nicht in einerley
verstand gebraucht würdt. Dañ alles / was da ett-
was / vnnnd nicht gar nichts ist / das hat auch sein
Wesen. Zum ersten / heißt es ein jedes ding / das für
sich selbst ist / von einem andern abgesondert / als
Engel / Mensch / Ross / Kalb / Holz / Stein / etc.
dann deren ding ist ein jedes etwas für sich selbst /
ohn das ander / vnnnd hat auch sein eigen Wesen für
sich selbst. Darnach heißt es ein ding / das nicht für
sich selbst ist / sonder das in ein andern ist / oder ei-
nem andern anhanget / vnd für sich selbst nicht sein
kan / als da seind / Farb / Kälte / Wärme / vnnnd
dergleichen / da auch ein jedes sein Wesen hat. Dañ
ein ander ding ist die Farb / ein anders die Kälte /
ein anders die Wärme / aber ist gleichwol derẽ ding
keines für sich selbstendig / sonder allwegen in ein
selbstendigen Wesen / Als die Farb an ein Ross /
Menschen / Stein / Holz / etc. die Kälte vnd Wär-
me / im Wasser / Luft / oder dergleichen / etc. vnd ist
doch deren jedes etwas warhafftig. Darnach
heißt

Sendbrieff D. Jacobi Andree/an

gewesen were: sonder sie hat gehert zum Wesen des gerechtē Menschen/vñ nachdē der Mensch dieselbig gerechtigkeit verlorē hat/ist er vor Gott gestanden / wie ein jämmerlich verfaulet vñnd verderbet Haus/das einfallen wil/vñd sich selbst nicht lenger eragen kan/dann es seind alle Säul/Balcken/Riegel / Schwellen jämmerlich verfaulet / ein solliche gestalt hat es mit dem Menschen nach dem fall/ gehabt / da er an seinem Wesen die gerechtigkeit verlorē hat.

Vñd in diesem verstande haben D. Luther / D. Wigandus/vñ andere mehr recht vñd wol geschriben/das die gerechtigkeit/in wölcher der Mensch anfangs erschaffen/ habe zu dē Wesen des erschaffenen Menschen geheret. Dann er ist nicht ohne dieselbig gerechtigkeit/ sonder mit derselben / fromm vñd gerecht von Gott erschaffen.

Warumb der vndercheid zwischen des Menschen Wesen/ vñnd der Erbsünde müsse gehalten werden.

I.

Warumb allein Gott vnwandelbar sey.
Mal. 3.
Num. 23.

Das aber jetzt darauff gedrungen würdt/ wie diese gerechtigkeit/da sie gegen Leib vñnd Seel des Menschen gehalten / nicht seie des Menschen Wesen/ sonder ein Accidens / das ist / etwas zufälligs/das muß sein/ vñ kan man solliches keins wegs vmbgehn.

Erstlich darumb/das dardurch der vndercheid zwischen dem Schöpffer vñd Geschöpf angezeigt vñnd erhalten werde / welches eben so notwendig ist/ als das recht von der Erbsünde gelehrt werde.

Dann darumb ist Gott vnwandelbar / der sich nicht endert als ein Mensch (wie geschriben stehet/ Ich bin der Herr der sich nicht ändert. Vñd abermals/Gott ist nicht ein Mensch/das er liege/ noch ein

M. Matthiam Glaccium Illyricum. 21

ein Menschen Kinde/dasß ihn etwas gerewe. Solt er etwas sagen / vnnnd nicht thun? Solt er etwas reden / vnd nicht halten? dan in vn̄ an Gott ist kein Acc. dens, das ist/nichts zufälligs/sonder alle tugenden Gottes/ als / Gerechtigkeit/ Wahrheit/ Barmherzigkeit/ Allmächtigkeit/ zc. seind anders nichts / dan sein unwandelbar Göttlich Wesen. Darumb wenn es möglich were / daß Gott köndt sein Gerechtigkeit/ Barmherzigkeit/ Allmächtigkeit verlieren/ so würde Gott nicht da stehn/ wie ein armer sündiger Mensch / der noch etwas ist / wann er gleich die Gerechtigkeit verloren hat / sonder Gott wüde ganz vnnnd gar nichts mehr sein. Dann die Gerechtigkeit Gottes ist Gottes Wesen selbst/ vnd in Gott nicht anders sein Wesen / vnnnd ein anders sein Gerechtigkeit.

Der Mensch aber ist wandelbar / der sich ändert. Dann die gerechtigkeit im Menschen / ist ein Accidens, das ist/ ein zufällig/ vnnnd also etwas anders / dann des Menschen Wesen / vnnnd bleibt der Mensch noch ein wesentlicher Mensch / wann er gleich die gerechtigkeit ganz vnd gar verloren hat/ wie Adam / nachdem er die gerechtigkeit verloren/ ist er dennoch ein Mensch geblieben / aber ein fauler/ mürber/ verderbter/ nichtswerder Mensch/ da sich Gott sein nicht erbarmet / vnd ihn widerumb auffgerichtet hette.

Zum andern/ist auch der vrsach notwendig/ sollich vndercheid zuerhalten/ dar mit dem Schöpfer sein ehr bleibe / die er keinē andern geben würdt. Demselben allein würdt zugeschrieben / daß er erschaffen

Warumb der Mensch wandelbar.

II.

f ij

schaffen

Sendbrieff D. Jacobi Andree/an

schaffen habe alle Substantz / was ein selbstendig
Wesen hat/es seie jetzt gleich verderbt/wie die Teuffel/vñ Menschen/oder nicht verderbt/wie die gürt
ten Engel. Dann alles ist durch ihn gemacht/ vñ
ohn ihn ist nichts gemacht/ das gemacht ist.

Joh. 1.
Col. 1.

Die Sünde aber / es sey die Erbsünde oder
würckliche Sünde/hat Gott nicht gemacht/ gefelt
ihme auch nicht/sonder der Teuffel ist derselben an
fänger / der hat darmit des Menschen Natur bes
schmeisset/das sie auch ist sündig worden.

Psal. 5.
Joh. 8.
2. Joh. 3.

In summa/ wann man eigentlich vñ recht vñ
derschidlich reden will/so sol man sagen/ die Natur
des Menschen ist sündig / das ist/ mit der Sünde
befleckt/den vñderscheid zwischen der Natur vñnd
der Erbsünde zuerhalten/ das sein muß.

Wie man eigent
lich reden soll
von diser sache.

Wann man aber sagt / die Natur ist die Erbs
sünde selbst/dise rede mag man/in gutem verstand/
auch wol passiren lassen / aber sie bedarff einer er
klärung/darmit man die Erbsünde groß machen/
vñnd anzeigen will/ daß der Bronn/ursach/vñnd urs
prung/der würcklichen Sünden/in der Natur ste
cke/vñnd dieselbige dermassen durchtrungen vñ ver
derbt habe / daß nichts güts am Menschen geblies
ben/sonder alles mit Sünde durchtriben seie/deren
frucht alle würckliche Sünde seien. Aber gleichwol
muß man die erklärung darzu setzen/ darmit nicht
Gottes vñnd des Teuffels Werck vermischer/vñnd
nicht Gott zugelegt werde/ das des Teuffels eigen
ist/dann die Natur ist von Gott / aber die Sünde
ist von dem Teuffel.

Sihe mein Illyrice / hie hastu abermals den
friden.

M. Matthiam Glaccium Illyricum. 22

friden vnnnd Christliche einigkeit in dein Händen/
vnd da du denselben annempst / so wirstu die Kirch
Gottes widerumb erfrewen / vnnnd derselben einer
grossen beschwerlichen ergernuß abhelffen / wann
du nemlich / bey dir selbst / als ein verstediger / zuer-
messen / mit was vnderscheid / warhafftig / warhafft-
tig von der Sünde gesagt werdē mag / es seie gleich
die Erbsünde / oder die wirkliche Sünde / daß sie
zumal ein Essentia, vñ Accidens, das ist / ein Wesen /
vñ ein zufällig ding / recht / Christlich / vnd wol mö-
ge genennet werden. Dann ein Accidens, das ist /
etwas zufelligs ist es / wann du des Menschen Na-
tur gegen Gottes Natur helst / wölcher der vsach
Allein / Allein / Allein / vnnwandelbar ist / dann seine
tugendt seind nicht Accidentia, das ist / etwas an-
ders / dann sein Wesen / der nicht allein gerecht vnd
warhafftig / sonder die gerechtigkeit vnnnd warheit
selbst ist. Der Mensch aber ist weder die gerecht-
igkeit / noch die warheit / sonder allein gerecht / war-
hafftig von Gott erschaffen / Dann ein anders ist
des Menschē Wesen / ein anders sein gerechtigkeit /
vnd bleibt der Mensch / ein Mensch von Leib vnd
Seel / wann er gleich gerechtigkeit vnnnd warheit
verleurt / vnnnd würdt vngerecht vnnnd ein Lügner /
wie alle Menschen seind / so auß fleisch geboren sein.

Mit was vn-
derscheid die
Sünde ein Wes-
sen vnd etwas
zufelligs genent
werde.

Psal. 16. 31.
Rom. 3.

So würdt es auch recht genennet Essentia, das ist /
etwas wesentlichs / wölchs zum Wesen des sündi-
gen Menschen gehört / dann ohne die Sünde ist er
kein sündiger Mensch / wie ohne die gerechtigkeit
nicht gerecht. Vnnnd ist also die Erbsünde / nicht
nichts / sonder ein gewlicher vnaussprechlicher

F ij schade


Send. D. Jac. And. an M. Mat. Glac. Illh.
schade in des Menschen Natur / dardurch des
Menschen Substantz / Natur / Wesen / vnd alle des
selben Kräfte jämmerlich verderbt seind / daß des
Menschen verstand in Göttlichen sachen blind /
sein wille verkehret / vnd ein feind Gottes / vnd alles
des Menschen Kräfte von Gott also zu allem bö-
sen abgewendet / daß des Menschen dichten von ju-
gendt auff / nur zum bösen gerichtet / lust hat zu al-
ler vngerechtigkeit / vnd vnlust zur warheit / vnd
daß ichs mit einem wort sage / geistlich tode ist / wie
der Apostel vnd die ganz heilig Schrift bezeuget /
Gen. 6. 8. Num. 15. Deut. 29. 30. 32. Jer. 17. Mat. 6.
12. 15. Lu. 11. Rom. 1. 1. Cor. 2. 2. Cor. 4. 10. 11. Eph. 2.
3. Col. 3.

Diß seie gnug auff diß mal / dann wer sich dar-
an nicht will settigen lassen / dem weiß ich nicht /
was zur vnderweisung vnd bericht verner möche
gesagt oder geschriben werden.

Der Allmächtig Gott vn̄ Vatter vnseres Herrn
Jhesu Christi / verleibe seiner Kirchē widerumb ein
gottseligen Friden / milttere die gewliche ergernuß /
erlöse vns von allen verderblichen irthumb / vnd
erhalt vns in der seligmachenden erkantnuß sei-
nes lieben Sons / biß an das ende / wöls-
chem sey lob / ehr vnd preiß /
in ewigkeit /

A M E N.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100



153 737

AB 153 737


ULB Halle 3
002 700 247



Sb.







Ein Sendbrieff.

D. Jacobi Andree / an M. Matthi
am Flaccium Illyricum /

Von der Erbsünde.

In wölcher der ganz Handel einfaltig / klar vnd
deutlich / auch für den gemeinen Layen erkläret / vnd ein kurzer richtiger weg
angezeigt / wie ohne nachtheil der Göttlichen warheit
diser laidig Streit möge auffge-
haben werden.



Betruckt zu Tübingen / durch Georg
Gruppenbach. 1 5 7 4.

